

ხელშეკრულება მომსახურების სახელმწიფო შესყიდვის შესახებ №112

ქ. თბილისი

8 ივლისი 2019 წელი

ჩვენ, ერთის მხრივ, ქ. თბილისის მუნიციპალიტეტის საკრებულოს აპარატი მდებარე: ქ. თბილისი, თავისუფლების მოედანი №2-ში, წარმოდგენილი პირველადი სტრუქტურული ერთეულის ხელმძღვანელის (აპარატის უფროსი) ელენე დუმბაძის სახით (შემდგომში – შემსყიდველი), ხოლო მეორეს მხრივ, შპს „სმარტ პროდაქშენ“, მდებარე: ქ. თბილისი, კახეთის გზატკეცილი 103, წარმოდგენილი დირექტორის დიმიტრი ფუტყარაძის სახით, ვხელმძღვანელობთ რა „სახელმწიფო შესყიდვების შესახებ“ საქართველოს კანონის მე-10¹ მუხლის მე-3 პუნქტის „ვ“ ქვეპუნქტისა და სხვა მოქმედი კანონმდებლობის შესაბამისად, ვდებთ წინამდებარე ხელშეკრულებას შემდეგზე:

1. ხელშეკრულების საგანი, ობიექტი და კლასიფიკატორის კოდი

1.1 ხელშეკრულების საგანია: ქ. თბილისის საკრებულოს 2019 წლის ბიუჯეტის სახსრებით, მუნიციპალიტეტის საკრებულოს შენობაში, თამარ მეფის სახელობის დარბაზში, მიმდინარე წლის 9 ივლისს გაიმართება ღვაწლმოსილი მედიკოსების დაჯილდოვების ცერემონია, ამასთან დაკავშირებით გვესაჭიროება მოწვეული 100 სტუმრის ფურშეტით გამასპინძლების მომსახურება (იხ. დანართი №1) გამარტივებული შესყიდვის საშუალებით, ხელშეკრულებით გათვალისწინებული პირობების შესაბამისად.

1.2 კლასიფიკატორის კოდი: 799 000 00; 799 920 00.

2. ხელშეკრულების საერთო ღირებულება

2.1 გაწვეული მომსახურების ფასი განისაზღვრება: ლარში.

2.2 მომსახურების გაწვევის საერთო ღირებულება შეადგენს 2 111 (ორიათას ასთერთმეტი) ლარს ხელშეკრულებით გათვალისწინებული თანამდევი ხარჯების (საქართველოს კანონმდებლობით გათვალისწინებული ყველა გადასახადისა და გადასახადების, ასევე ყველა ხარჯის, რომელიც დაკავშირებულია მომსახურების გაწევასთან) ჩათვლით.

3. მომსახურების გაწვევის ვადები და ადგილი

3.1. მომსახურების გაწვევა განხორციელდება: 2019 წლის 9 ივლისი.

3.2 მომსახურების გაწვევის ადგილია: ქ.თბილისი, თავისუფლების მოედანი №2.

4. გაწვეული მომსახურების მიღება-ჩაბარების წესი

4.1. მომსახურების ობიექტი, ან მისი ნაწილი (ეტაპი) ჩაითვლება გაწვეულად მხოლოდ მიღება-ჩაბარების აქტის გაფორმების შემდეგ.

4.2. მომსახურების ობიექტის (მისი ნაწილის, ეტაპის) მიღების და/ან საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს “მიმწოდებელი”.

4.3. „შემსყიდველი“ ვალდებულია ოპერატიულად, წერილობითი სახით, აცნობოს „მიმწოდებელს“ საბოლოო შემოწმების შედეგები დაწუნებული მომსახურებისა და წუნდების მიზეზის მითითებით.

4.4 მომსახურების ობიექტის მიღება-ჩაბარებას განახორციელებს ქ.თბილისის მუნიციპალიტეტის საკრებულოს აპარატის მეორადი სტრუქტურული ერთეულის (პროტოკოლის განყოფილება) ხელმძღვანელი დაგით მაჭავარიანი.

5. მხარეთა უფლება-მოვალეობანი

- 5.1 „შემსყიდველს“ უფლება აქვს:
- შეამოწმოს გაწეული მომსახურების შესაბამისობა ხელშეკრულებით გათვალისწინებულ პირობებთან.
- 5.2 „მიმწოდებელს“ უფლება აქვს:
- მოსთხოვოს „შემსყიდველს“ გაწეული მომსახურების ღირებულების ანაზღაურება ხელშეკრულებით გათვალისწინებული პირობებით.
- 5.4 „მიმწოდებელი“ ვალდებულია:
- დაიცვას ხელშეკრულებით გათვალისწინებული ყველა პირობა;

6. ხელშეკრულებაში ცვლილებებისა და დამატებების განხორციელების წესი

- 6.1 სახელმწიფო შესყიდვის შესახებ ხელშეკრულებაში ნებისმიერი ცვლილების განხორციელების შემთხვევაში, აღნიშნული ცვლილება უნდა გაფორმდეს წერილობითი ფორმით.
- 6.2 სახელმწიფო შესყიდვის შესახებ ხელშეკრულების პირობების შეცვლა დაუშვებელია, თუ ამ ცვლილებების შედეგად იზრდება ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.
- 6.3 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობის გაზრდა.

7. ანგარიშსწორების პირობები

- 7.1. ანგარიშსწორების ფორმა იქნება: უნაღდო.
- 7.2. ანგარიშსწორების ვადა (გრაფიკი): მომსახურების გაწევის შემდეგ, აღნიშნულის თაობაზე მხარეთა შორის მიღება-ჩაბარების აქტის გაფორმებიდან 10 (ათი) საბანკო დღის განმავლობაში.
- 7.3. ანგარიშსწორების განხორციელებისათვის მიმწოდებელმა უნდა წარმოადგინოს მიღება-ჩაბარების აქტი.

8. მხარეთა პასუხისმგებლობა ხელშეკრულების პირობების დარღვევისას

- 8.1 მხარეების მიერ ხელშეკრულებით ნაკისრი ვალდებულების შეუსრულებლობა გამოიწვევს პასუხისმგებლობას მოქმედი კანონმდებლობის შესაბამისად.
- 8.2 თუ ხელშეკრულების რომელიმე მხარე დაარღვევს წინამდებარე ხელშეკრულებიდან გამომდინარე ვალდებულებას, მაშინ ხელშეკრულების მეორე მხარეს შეუძლია მოითხოვოს ხელშეკრულებიდან გასვლა, რაზედაც უნდა შეატყობინოს მეორე მხარეს წერილობით, რომელშიც უნდა იყოს მითითებული დამატებითი ვადები დარღვევის აღმოსაფხვრელად, ხოლო თუ ვალდებულების ხასიათიდან გამომდინარე შეუძლებელია გამოყენებულ იქნას დამატებითი ვადა, მაშინ დამატებითი ვადის განსაზღვრას უთანაბრდება გაფრთხილება/შეტყობინება.
- 8.3. თუ მიმწოდებელი გაფრთხილების/შეტყობინების შემდეგაც არ ასრულებს ან არაჯეროვნად ასრულებს ნაკისრ ვალდებულებებს, შემსყიდველს უფლება აქვს ცალმხრივად შეწყვიტოს ხელშეკრულების მოქმედება და დააკისროს მიმწოდებელს ჯარიმა ხელშეკრულების საერთო/ჯამური ღირებულების 5%-ის ოდენობით.

8.4 ხელშეკრულებიდან გასვლისას მხარეს შეუძლია მოითხოვოს ზიანის ანაზღაურება, რომელიც მას მიადგა მეორე მხარის მიერ ხელშეკრულებით ნაკისრი ვალდებულების შეუსრულებლობით.

8.5 ხელშეკრულების გასვლიდან და ზიანის ანაზღაურებასთან დაკავშირებით გამოიყენება საქართველოს სამოქალაქო კოდექსის შესაბამისი მუხლები.

8.6 ხელშეკრულებით ნაკისრი ვალდებულებების შეუსრულებლობის ან ვალდებულების შესრულების ვადების დარღვევის შემთხვევაში, დამრღვევ მხარეს დაეკისრება პირგასამტეხლოს გადახდა, – ყოველ ვადაგადაცილებულ დღეზე ხელშეკრულების ღირებულების 0.02%-ის ოდენობით, ხოლო, თუკი ადგილი აქვს ვალდებულების ნაწილის შეუსრულებლობას, პირგასამტეხლო შეადგენს ვალდებულების შეუსრულებელი ნაწილის 0.02%-ს ყოველ ვადაგადაცილებულ დღეზე.

8.7. საჯარო სანქციების გადახდა არ ათავისუფლებს დამრღვევ მხარეს ხელშეკრულებით ნაკისრის ვალდებულებების შესრულებისაგან.

9. ფორს-მაჟორული სიტუაციები

9.1. მხარეები არ არიან პასუხისმგებელი თავიანთ ვალდებულებათა სრულად ან ნაწილობრივ შესრულებაზე, თუ ეს შეუსრულებლობა გამოწვეულია ისეთი გარემოებებით, როგორცაა წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომები და საომარი მოქმედებები, ექსპორტისა და იმპორტის აკრძალვა, თუ ისინი უშუალო ზემოქმედებას ახდენენ ხელშეკრულების შესრულებაზე.

9.2. ხელშეკრულების შესრულების ვადა გადაიწევს შესაბამისი დროით, გარემოებათა დასრულების შემდეგ.

9.3. თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გრძელდება 3 თვეზე მეტ ხანს მხარეებს უფლება აქვთ შეწყვიტონ ხელშეკრულების მოქმედება კომპენსაციის მოთხოვნის გარეშე.

9.4. მხარე, რომელსაც შეექმნა ფორს-მაჟორული გარემოება დაუყოვნებლივ აცნობებს ამის შესახებ მეორე მხარეს.

10. ხელშეკრულების ინსპექტირების პირობები

10.1. შემსყიდველი უფლებამოსილია მომსახურების გაწევის პარალელურად მოახდინოს მომსახურების ხარისხის შემოწმება, რომლის მიზანია მისი შესაბამისობის დადგენა – ხელშეკრულებით გათვალისწინებულ პირობებთან და „შემსყიდველის“ მოთხოვნებთან.

10.2. შემოწმების შედეგად გამოვლენილი ნებისმიერი ნაკლის ან დეფექტის შესახებ, „შემსყიდველი“ დაუყოვნებლივ წერილობით აცნობებს „მიმწოდებელს“ მომსახურების ნაკლს წუნდების მიზეზების მითითებით.

10.3. გამოვლენილი დეფექტის ან ნაკლის აღმოფხვრასთან და ხელახალ ინსპექტირებასთან დაკავშირებული ხარჯების ანაზღაურება ეკისრება „მიმწოდებელს“, საქართველოს კანონმდებლობით დადგენილი წესით.

10.4 ხელშეკრულებით ნაკისრი ვალდებულებების შესრულების კონტროლს „შემსყიდველის“ მხრიდან ანხორციელებს ქობილისის მუნიციპალიტეტის საკრებულოს აპარატის მესამე რანგის მესამე კატეგორიის უფროსი სპეციალისტი (პროტოკოლის განყოფილება) ნინო ბეზარაშვილი.

11. დავები და მათი გადაწყვეტის წესი

11.1. ხელშეკრულების დამდები მხარეები თანხმდებიან მასზედ, რომ ყველა ღონეს იხმარენ, რათა პირდაპირი არაოფიციალური მოლაპარაკებების მეშვეობით

შეთანხმებით მოაგვარონ ნებისმიერი უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული საკითხების ირგვლივ.
11.2 თუ მხარეები ვერ შესძლებენ სადაო საკითხების შეთანხმებას, ნებისმიერ მხარეს უთანხმოების წარმოშობიდან 30 დღის უშედეგოდ გასვლის შემდგომ დავის გადაწყვეტის მიზნით შეუძლია მიმართონ საქართველოს საერთო სასამართლოს.

12. ხელშეკრულების მოქმედების ვადა და შეწყვეტის პირობები

12.1 ხელშეკრულება ძალაშია მისი ხელმოწერის დღიდან 2019 წლის 30 აგვისტოს ჩათვლით.

12.2 ხელშეკრულება შეიძლება შეწყდეს ვადაზე ადრე:

ა) მხარეთა შეთანხმებით.

ბ) ამ ხელშეკრულებით დადგენილი მოთხოვნების "მხარეთა" მიერ შეუსრულებლობის.

გ) საქართველოს კანონმდებლობით გათვალისწინებულ სხვა შემთხვევებში.

13. სხვა პირობები

13.1 ხელშეკრულების ნებისმიერი ცვლილება ან დამატება ძალაშია მას შემდეგ, რაც იგი წერილობითი ფორმითაა შედგენილი და ხელმოწერილია მხარეთა მიერ.

13.2 ამ ხელშეკრულებით გაუთვალისწინებელი პირობები რეგულირდება საქართველოს კანონმდებლობით.

13.3 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები მეორე მხარის წერილობითი თანხმობის გარეშე.

13.4 ხელშეკრულება შედგენილია ელექტრონულად ქართულ ენაზე, რომლის ყოველი ელექტრონული ეგზემპლარი ორიგინალია.

14. მხარეთა იურიდიული მისამართები და რეკვიზიტები


შემსყიდველი:

ქ. თბილისის მუნიციპალიტეტის
საკრებულოს აპარატი
მის: ქ.თბილისი, თავისუფლების მოედანი №2
სახელმწიფო ხაზინა
ბ/კოდი: TBESGE22
ა/ა GE 24 NB 0330 1002 0016 5022
ს/კ 204 495 055

მიმწოდებელი:

შპს „სმარტ პროდაქშენ“
მის: ქ. თბილისი, კახეთის გზატკეცილი
სს „საქართველოს ბანკი“
ბ/კოდი: BAGAGE22
ა/ა GE81BG0000 00019104 9000
ს/კ 405 175 929

ელენე ღუმბაძე



დიმიტრი ფუტკარაძე

№	დასახელება	ფასი (ლარი)	პორცია/რაოდენობა	სულ ჯამი
1	მინი ხაჭაპური	1.30	80	104.00
2	ღობიანი იმერული ცომში (სამარხვო)	1.10	80	88.00
3	ბრუსკეტა პესტოს სოუსით და პომიდვრით	1.50	80	120.00
4	ისპანახის ფხალი მჭადზე	1.40	80	112.00
5	ნიგეზიანი ბადრიჯანი მჭადზე	1.40	80	112.00
6	ჩისქეიქი (საფურშეტე-ჭიქაში)	1.20	100	120.00
7	ნამცხვარი ტირამისუ (საფურშეტე- ჭიქაში)	1.40	100	140.00
8	ხილი ჩხირზე (ქეითერინგი)	1.90	100	190.00
12	წყალი	0.60	50	30.00
13	წვენი	5.60	20	112.00
	ხელსახოცი სელპაკი 100ც თეთრი	5.00	2	10.00
	ღვინო ალაზნის ველი „ხარება“ თეთრი ნ/ტ 0.75ლ	11.00	18	198.00
14	მაგიდა	20.00	3	60.00
15	სუფრა	20.00	3	60.00
	კოქტილის მაგიდა	45.00	5	225.00
16	ღვინის ჭიქა	0.50	100	50.00
17	წვენის, წყლის ჭიქა	0.50	100	50.00
18	თეფში	0.50	100	50.00
19	სადგამები	10.00	5	50.00
20	მომსახურე პერსონალი	60.00	3	180.00
21	ტრანსპორტირება	50.00	1	50.00
სულ ჯამი				2,111.00

შემსყიდველი

ქობილისის მუნიციპალიტეტის საკრებულოს
აპარატის უფროსი

ელენე დუმბაძე



მიმწოდებელი

შპს „სმარტ პროდაქშენ“
დირექტორი

დიმიტრი ფუტკარაძე